

淨土宗布薩法則

訂正
新刻

布薩法則

鹿谷松院所用布薩持例也

熾燈智

布薩法則序

夫半月布薩三世諸佛恆式三時僧伽通務
佛法住世唯之由矣昔齊鄴下沙門僧範僧
雲事迹豈應不慄悚乎然則爲佛子者各各
合至誠志師授資傳終身奉之而不可廢退

者今應需聊加訂正題以斯言

文政己卯秋八月白布薩日

增上寺大僧正騰譽實海撰



布薩法則

先平旦白告

小食時白夏中減日白次維那打靜二下白云

諸佛子諦聽今白

若黑

月十五日

或十四日

衆僧和

合某處齋後布薩說戒

說一

次上座勸勉

維那白已上座夏加勸勉作是言云

今日是說戒日十方賢聖所共同遵並願衆

僧同時集會勿事他緣自生厭法

說一

次道場莊嚴

須先灑掃或懸繪散華而後羅列衆具如其圖後示

次鐘三下

衆僧聞此鐘且出入可整威儀

次四十下

衆僧聞此已集會一處

次衆僧引列向殿

自上座次第行殿後展

坐具三拜自是維那先立引餘僧衆迴後戶到露地偈處住立次維那見上座

堂出到上座邊相向問訊上座合掌受之而上座到露地偈處列衆上立維那

立上座右角去四五尺許不可與上座並見今問訊撞始百二十下至息槌終

二下維那與鈴打合時大衆一時和南上座可發露地偈諸衆同音

次露地偈

合掌唱之

同音
降伏魔力怨

除結盡無餘

露地擊犍槌

菩薩聞當集

諸欲聞法人

度流生於海

聞此妙響音

盡當雲集此

偈已鈴二打衆僧和南次維那先立引衆入堂極緩步行六尺許鈴一打每度如是維那引衆僧右迴次第各可著本座維那及行事就殿正面戶內自左方次第相並而鈴二打衆僧同時問訊展坐具憶念三寶三禮每禮打鈴如常禮了衆僧胡跪於坐具之上也

次入堂偈

上座發之諸衆同音

持戒清淨如滿月

同音身口皎潔無瑕穢

大衆和合無違諍

爾乃可得同布薩

偈已著座勿收坐具維那起座收坐具懸肘此時行事同時起座五人一時問訊到正面机前三四尺許五人列立又同時問訊列次者維那居中其右脇行事第一座其次第三座居維那左脇第二座其次第四座居維那一人問訊到香水前又問訊胡跪也

次香水偈

維那合掌唱之

八功德水淨諸塵

盥掌去垢心無染

執持禁戒無缺犯

一切衆生亦如是

偈未亦如是處香水一滴許滌掌合兩手滌手指頭已以指挾拭手巾兩端而立問訊與此問訊與行事第一一人問訊相合而維那行香湯所立第一人行香

水前立同時問訊胡
跪維那先唱香湯偈

香湯熏沐澡諸垢 法身具足五分充

般若圓照解脫滿 羣生同會法界融

偈末法界融處滌手掌等如前可知行
事第一人見維那香湯偈了即唱香水
偈偈已與維那同立問訊行事第二人
與此問訊合次維那復座立第一人追
維那之跡到香湯所第二人到香水前
與後維那三人同時問訊行事兩人胡
跪如上次第唱偈乃至第四人維那一
二步卻行展坐具三禮可唱三歸轍各
隨事竟還本座五人同時問訊更到机
前五人俱胡跪維那開籌筐盃採籌橫
持右端就香水盆時右脇行事持香水
滌之又左端就香湯盆左脇行事以香
湯滌之而后維那兩
手持籌發浴籌偈

次浴籌偈 諸衆同音

菩薩聖僧衆 凡夫衆和合

香湯浴淨籌 布薩度衆生

至此偈第三句時分左右頭行事立同
時問訊到手巾所支手於巾相待偈竟
持巾還初處立自餘二人行事各持瓶
盆立與維那俱五人正面列立一時間
訊二步卻行維那先經香湯及手巾
人前到靜下持籌立次香水行事經右
手巾人前到上座前問訊胡跪滌香水
一滴上座誦偈微右手受之合左手洗
之未必受兩手自餘諸衆亦準此儀小
者立又問訊次座已下直立行之右手
巾小者同相隨行次香湯小者又經左
手巾小者前到靜下浴槌柄已更經維
那前及手巾小者前到上座前次第行
之如香水時手巾小者相從次第行之

亦如上諸衆誦偈浴手等儀亦如上四
人行事行竟還正面住立一時問訊各
胡跪安水湯盥并巾於本處又同時問
訊復座維那以左右掌向內豎握籌先
立靜下待香水等行事竟兩
手握籌不可以掌受籌下

次敬白 維那見四人行事復座
竟打靜一下唱白云

敬白諸佛子等合掌聽各隨聲作念此南閻
浮提大日本國某州某郡某寺僧伽藍所我
本師釋迦牟尼佛遺法弟子出家在家菩薩
等自惟生處長劫則由不遇無上慈尊今生
若不發出離之心恐還流浪故於此日同崇
三寶渴仰大乘衆俱宣傳菩薩戒藏願以此

功德資益天龍八部威光自在皇帝陛下聖
化無窮大樹尊君福延萬葉師僧父母常保
安寧見聞隨喜宿障如冰解二途四趣罪業
如霜消願我等誓出娑婆與法界有情同生
安養國

次一下問願行

諸佛子諦聽各從今身乃至佛身於其中間
能捨邪歸正斷惡修善發菩提心持菩薩戒
行菩薩行否

說一

次一下問監護

諸佛子諦聽衆中誰小小者收護三徧竟行

起座到維那後
邊三尺許立

次一下召集凡聖

諸佛子諦聽外有清淨大菩薩入三說

次一下告衆受籌

諸佛子諦聽此衆小者已收護外清淨大菩

薩已入內外寂靜無諸難事堪可行籌廣作

布薩我某甲維那實名爲衆行籌作布薩事衆當

一心念作布薩願上中下座各次第如法受

籌三說白已取直槌柄次取直籌仰掌而握之也而微音唱云

並受囑授人籌

次行籌維那持籌小者相隨而到上座前問訊胡跪行已立亦問訊次

座已下立直行之小者相隨受籌收上座見維那來近胡跪誦始受籌偈仰兩

手受之至偈文我今頂戴處捧額前頂戴次誦還籌偈至還此籌文還小者也

次受籌偈受籌儀諸衆準上座之式

金剛無礙解脫籌 難得難遇如今果

我今頂戴歡喜受 一切衆生亦如是

次還籌偈

具足清淨受此籌 具足清淨還此籌

堅固喜捨無缺犯 一切衆生亦如是

維那行籌時右手取一枝行之不可多
取出家菩薩籌行竟維那及小者到靜
下相問訊胡跪維那唱受籌偈以右手
取籌頂戴次唱還籌偈渡收小者次更
取籌授小者小者受籌還籌例上可知
而同時立問訊維那靜一下唱次行結
緣菩薩籌行籌行竟經後戶到靜下凡
行籌三段收之出家菩薩幾人結緣菩
薩幾人都合若干人計數疏數已添籌
命小者持行附座上座小者附竟經後戶
復本座次維那亦到上座處上座正告
衆數相附籌維那受籌已經後戶到靜
下豎持籌
一下唱數

次唱數

諸佛子諦聽此一住處一布薩出家菩薩若
千人結緣菩薩若干人都合若干人各於佛

法中清淨出家和合布薩上順佛教中報四

恩下爲含識各誦經中清淨妙偈一說

次清淨偈

維那一下發
之諸衆同音

清淨如同音滿月

清淨得布薩

身口業清淨

爾乃應布薩

次請說戒師

清淨偈已維那持籌到正面机前問訊
胡跪安二本籌於香湯香水盆上如八
文字形籌收籌筐次取散華盆安側其
跡置籌筐其上還安華盆攪起於華三
許而後立曲躬行上座前更展
坐具少問訊胡跪伸請言云

上座慈悲爲衆說戒一說上座堪能
者合掌答云此說戒

事正當我作一說

若不堪者合掌云但此說戒任當某甲但為老

病言詞濁鈍恐惱眾僧奉請次座維那

如前威儀到次座前合掌云大德慈悲為眾說戒一說

若次座不堪維那重到次座亦辭

不堪上座知別無誦利者此說戒事正

當我作若知別有誦利者某甲大德堪

作此作此事當往彼言維那如上威儀到彼差人前合

掌眾差說戒受差者此說戒事正當我

作已上皆一說

次唱告說戒師等維那收坐具到靜下云 9

諸佛子諦聽眾差某甲說戒師之實名和尚為眾說

戒梵音某甲明師之名戒師昇高座維那尚在靜下而立

次說戒師昇座維那唱昇高座竟說戒師座起收坐具到正面

机下燒香四五步卻行展坐具三禮此時眾僧合掌說戒師三禮已胡跪微音

唱云

我某甲誓普和南敬白大眾眾差說戒恐有

錯誤願同誦者指授一說唱了夏一禮收坐具問訊昇高座

次散華除行事第一一人自餘三人見上座昇高座立同時問訊到正面

机前又同時問訊胡跪第二人持散華第三人持香水第四人持香湯立亦同

時問訊到正面戶內香湯散華左右相對香水面三角立列同時問訊維那見此問訊即可發散華偈

散華莊嚴淨光明同音莊嚴寶華以為帳

散眾寶華徧十方 供養一切諸如來

此偈始時散華師向佛前以右五指散房華一迴香水香湯相隨以籌滌一滴許洒華上偈終時方迴合始處偈竟三人小者到正面問訊如前三角立列同時問訊胡跪散華倚一邊載香水瓶於散華盆中次加香湯於香水瓶中三人同時問訊香水香湯小者到正面机前同時問訊各安器具於本處又立二人同時問訊復本座散華小者一人正面止

次梵唄維那見小者加香湯於香水中已三人同時問訊一下此時唄

師可發梵唄唄初發散華師當卻行迴如前散華一葉洒香水一滴華不可多採落於指間比至唄中間經後戶比唄終到正面初發處不得太急太緩而失便宜

如來妙色身 世間無與等 無比不思議

是故今敬禮 如來色無盡 智慧亦復然

一切法常住 是故我歸依

及唄終散華師在堂門下問訊到正面机前問訊復器物於本所又立問訊復本座

次燒香偈維那見唄竟一下可發燒香偈

戒香定香解脫香同音光明雲臺徧法界

供養十方無量佛

見聞普熏證寂滅

比至上唄第六句行事第一人立而問訊到正面机前問訊執机上柄香爐四
五步卻行又問訊置香爐於右側展坐
具三禮胡跪坐具上又橫安香爐於坐
具上取香合盃燒香持柄香爐至偈供
養少棒作供養意偈竟安柄香爐於右
側收坐具前置香爐於本處少退問訊
復本座已則維那打靜一下尋又復本
座

燃燈智

次說戒

捻香靜二
下執塵尾

諸佛子等合掌至心聽我今欲說諸佛大戒
序眾集默然聽自知有罪當懺悔懺悔即安
樂不懺悔罪益深無罪者默然默然故當知

眾清淨諸佛子等諦聽佛滅度後於遺法中
應當遵敬波羅提木又波羅提木又者即是
此圓頓菩薩大戒持此戒時如闇遇明如貪
人得寶如病者得差如囚繫出獄如遠行者
得歸當知此則是眾等大師若佛住世無異
此也怖心難生善心難發故經云勿輕小罪
以爲無殃水滴雖微漸盈大器刹那造罪殃
墮無間一失人身萬劫不復壯色不停猶如
奔馬人命無常過於山水今日雖存明亦難
保眾等各各一心勤修精進慎勿懈怠

睡眠縱意夜則攝心憶念三寶莫以空過徒設疲勞後代深悔眾等各各一心謹依此戒如法修行應當學

諸佛子等春分二月若有閏月應云三月日夏分秋分亦準之

為頭陀一時一月日已過少一夜餘有一夜

一月日在

春分二月日為頭陀一時從正月十五日

五日夏分五月日為坐禪一時從三月十八

四日秋分二月日為頭陀一時從八月十五

至十月日冬分三月日為坐禪一時從十月十

六日至正月十四日

老灰至近佛法欲滅諸佛子等為得道故一心勤求精進所以者何諸佛一心勤求精進故得阿耨多羅三藐三菩提何況餘善道法各聞強健時努力勤修善如何不求道安可須待老欲何樂乎是日已過命亦隨滅如少水魚斯有何樂

次問答戒師合掌問之答法者或維那合掌胡跪答之

眾集否答法者應答和合否和合未受菩薩戒

者出若有未受戒者上座宜勸菩薩說戒祕

故勝故非未受菩薩戒人所聞故遣出暫出此道場處閑處慎三業無放逸隨三下作相

還來可聽聞流通文一禮退出出已答云此中未受菩薩戒者已出

若無未受菩薩戒人則無勸勉言直不來者應答云此中無未受菩薩戒者

說欲及清淨者此中無說欲及清淨者或此中說欲及清淨者答衆

今和合欲作何事布薩說戒答畢著座布薩說戒

衆當一心聽

持戒淨身口攝心正憶念多聞生實智

斯由戒爲本戒爲妙法藏亦爲出世財

戒爲大舟船能渡生死海戒爲清涼池

澡浴諸熱惱戒爲無畏術消伏邪毒害

戒爲究竟伴能過險惡道戒爲甘露門

衆聖之所遊持戒心不高專精不放逸

不取正戒相亦無邪念心是名清淨戒

諸佛所稱讚持戒心不悔所願亦成就

戒爲法城塹能遮煩惱賊戒爲勇猛將

摧伏魔軍衆戒爲如意珠能與商人寶

戒爲妙樓觀遊戲諸二昧持戒爲平地

禪定爲屋宅能生智慧光次第得明照

定慧力莊嚴萬行爲具足乃至成佛道

悉由戒爲本 是故有智人 堅心守護戒
寧喪失身命 慎勿有所犯 合十指爪掌
供養釋師子 我今欲說戒 衆當一心聽
乃至小罪中 心應大怖畏 有罪一心悔
後更不復犯 心馬馳惡道 放逸難禁制
佛說切誠行 亦如利轡勒 佛口說教戒
善者能信受 是人馬調順 能破煩惱軍
若不受教勅 亦不愛樂戒 是人馬不調
沒在生死軍 若人守護戒 如犛牛愛尾
繫心不放逸 亦如猴著鎖 日夜常精進

求實智慧故 是人佛法中 能得清淨命

諸佛子等今 月十五日 或十日 作布薩說圓

頓菩薩大戒衆當一心善聽有罪者發露無

罪者默然默然故當知諸佛子清淨堪說圓

頓菩薩大戒已說菩薩大戒序竟

今問諸佛子是中清淨否 如是 諸佛子是中

清淨默然故是事如是持

次正說戒 捻香 合掌

菩薩戒經

我今盧舍那 乃佛告諸菩薩言已說十波羅

提本又竟四十八輕今略

爾時釋迦牟尼佛說上蓮華臺藏世界乃如

佛華光王七行品中說

菩薩戒經

次偈頌

靜二打執塵尾已下未受戒者得聞

明人忍慧強乃疾得成佛道

次咒願

願佛法吉祥僧伽吉祥九衆萬安持戒堅固
道業增長以如是熏修日月清明神祇增威
此邦君聖臣賢風雨順時五穀成就無諸災

患諸民悉護圓十善戒緇素俱歸投正法正

儀令相似法漸次復正諸惡行邪習速殄滅

光顯本師正法增暉淨土宗教微塵刹土普

蒙彌陀慈光一切衆生同登九品蓮臺靜二下

次後唄

聞咒願終二下發唄爲令說者從容具儀辭遜之暇作後唄也

維那收坐具到靜下

處世界如虛空

如蓮華不著水

心清淨超於彼

誓普禮無上尊

說戒師唄間自高座下到正面机前燒香四五步卻行展坐具三禮已胡跪微

音云

某甲敬謝大衆衆差說戒三業不勤多有誤

失惱亂大衆衆多不善願尊慈悲布施歡喜

唱已夏一禮已收坐具復本座便展坐具胡跪當發四快偈

次四快偈

衆僧皆胡跪

諸佛出世第一快

同音

聞法奉行安穩快

大衆和合寂滅快 衆生離苦安樂快

偈已維那打靜二下衆僧三禮隨禮打靜如常時無異矣

次三歸禮

自歸依佛當願衆生體解大道發無上意

同音

自歸依法當願衆生深入經藏智慧如海

同音

自歸依僧當願衆生統理大衆一切無礙

同音

次出堂

三禮已衆同收坐具立維那復本座鈴二打衆同問訊自行事

下座次第引出到露地偈處住立同時復問訊自此維那歸本位立自上座次第可到衆會處矣

右廣布薩式者以我

吉水大師所授鎮西勢觀湛空之三上人本

爲基集大原阪本三井之法明泉涌建仁及

三緣山所傳之式等其餘以所關係圓戒之

諸山本對校且准問取本泉涌等識者而爲

大成矣專慕北嶺古風偏親取圓戒者也後來欲依行之人莫作等閑之看云

文化十三年丙子中秋

吉水末流菩薩僧某甲等謹識

布薩法則終

附錄

續高僧傳第十云齊鄴下大覺寺僧範法師戒德清高曾宿一寺其寺十五日大衆相議謂布薩常聞論義最要須止布薩而論義一衆皆同乃一僧升座豎義忽有護法神其長丈餘貌甚雄峻直來問僧今是何日答云布薩日神卽以手楊僧曳下於座其僧委頓垂歿神亦問次座答語如前又楊將歿如是陵害二三次座已掉臂而出一會驚怖範師見

此異乃自勤兼放大眾一生不虧布薩說戒云云

同傳三十四云齊鄴下寶明寺僧雲法師以四月十五日臨說戒時僧並集堂雲居上首乃白衆曰戒本防非人人誦得何勞煩衆數數聞之可令一僧豎義令後生開悟雲氣格當時無敢抗者咸從之訖於夏末常廢說戒至七月十五日旦將昇州座失雲所在大衆以新歲未受交廢自恣一時崩騰四出追覓乃於寺側三里許古塚內得之徧體流血如刀割處惜問其故云有一丈夫執三尺大刀厲色瞋雲改變布薩妄充豎義刀膾身形痛毒難忍因接還寺雲竭情懺悔乃經十載說戒布薩讀誦衆經以爲常業臨終之日異香迎之神色無亂欣然而卒

